

¡BOMBA!

¡Tantos Guardias Nacionales
se van hacia la frontera!
...Para que de esa manera
no pasen ni los tamales



K'uintsil

Martes 4 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2410 · www.lajornadamaya.mx



U k'iimbesajil túumben purépecha ja'abe' jump'éel ba'al ma' táan u ch'éejeli'

Ernesto Martínez Elorriaga/ p 22
Oochel La Jornada

Túumben purépecha ja'abe' káaj tu súutukil úuchik u p'áatal Orión tu jach ka'analil ka'an, tu jo'olaj k'uchuk xan Yuum K'áak' -Tata Ch'upiri-, ka'aj ts'ook tu'up tu kaajil Santa Clara del Cobre, tu'ux jóop xan túumben k'áak', Ch'upiri Jimbanhi.

Tu jo'olaj u yáalka'abt maanal 100 kms desde u kaajil Ocumicho, tu méek'tankaajil Charapan, tu piik'sáastalil u yáax k'iinil febreroe', u xiímbal k'áak'e' k'uch tu kaajil Santa

Clara del Cobre, tu méek'tankaajil Salvador Escalante. Maanal 500 máako'obe' tu kuchajo'ob u ts'ook joojopáankil k'áak'. Tu jo'olaj beeta'ak u ceremoniaile' "biinsa'ab je'elel Tata Ch'upiri ka'aj t'áab túumben k'áak'; beey úuchik u ts'o'okol junk'áal purépecha winalo'ob.

Pavel Guzmán, máax táakpaj te'el xiímbalilo', yéetel máax oka'an ichil múuch' beetik k'iimbesaje', tu tsikbaltaje' jump'éel k'a'anan súutuk

ti' u baantailo'ob Meseta, Ribera de los lagos de Pátzcuaro yéetel Zirahuén, Cañada de los Once Pueblos, Sierra beyxan Ciénega de Zacapu. Ma' táaka'an mix jump'éel partido poliíticoi' mix xan jala'achi'; ku chíikbesik bix láayli' ts'aka'an kmiatsil yéetel ba'ax suuka'an kbeetik ti' k'iino'ob tu'ux táan u jaanta'al ba'al tumen yóok'ol kaab.

Úuchben ba'al le ku beeta'alo'. Ch'a'ajolta'ab tu ja'abil 1983 ti'al

u mu'uk'akúunsa'al kaaj. Ti'al u cha'antale' k'uch maanal 20 mil kajnáalo'ob te'el baantailo'.

Procesión beeta'abe' káaj tu kaajil Ocumicho le 29 ti' enero máaniko', tu'ux táakpaj máaxo'ob k'ajólta'an beey cargadores, ka'alikil u kuchmo'ob Úuchben Ja'ab, ka'aj máano'ob Meseta, yéetel uláak' u kaajilo'ob Quinceo, Arantepakua, Comachuén, San Juan Tumbio yéetel Zirahuén.